



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Q. 12. An si Filiusfamilias plus cæteris Fratribus pro Patre laboret, &
aliquid ultra suam sustentationem ex labore suo ac industria lucretur,
potest ex tali lucro pretium operarum suarum subtrahere, ...

urn:nbn:de:hbz:466:1-40993

quod surripuit, nisi constet hoc tantumdem surripuisse, vel nisi Pater expressè, aut tacitè condonârit.

Q. 12. *An si Filius-familias plus ceteris Fratribus pro Patre laboret, & aliquid ultra suam sustentationem ex labore suo, ac industria lucretur, potest ex talibus pretium operarum suarum subtrahere, Patre inscio?*

Resp. Nihil potest sibi assumere, si parentes egeant ejus obsequio: quia filius ex pietate debet ejusmodi obsequia utrique parenti indigenti. Quòd si parentes non egeant ejus obsequio, & plus lucretur, quam impendat, juxta multos potest operæ stipendum petere, sicut potest alteri locare operas, ex l. 10. ff. de Obseq. ibi, pietatem liberi parentibus, non operas debent. Quòd si nihil petat, nihil potest clam surripere: quia tunc censetur gratis laborare; & alioqui si petivisset, Pater potuisset eum repellere, & ejus loco accipere alium, qui gratis, aut viliore pretio, aut melius servivisset. Ergo cum Pater non contraxerit cum filio, ei non debet salaryum, præterea etiamsi deberetur illi salaryum, non ei licet surripere Patre vivo; quia illud lucrum recensetur inter bona adventitia, quorum possessio, & usus-fructus pertinent ad Patrem donec filius emancipetur.

Multi tamen docent in tali casu Filium-fa-

milias, qui laboravit cum voluntate mercedem aliquando percipiendi, sed quam ex metu Patrem offendendi petere non ausus est, posse retinere aliquid suo labore congruens, quod Patre mortuo ex bonis surripuit, deductis sustentatione, & usu fructu: quia, inquit, filius non debet esse deterioris conditionis, quam extraneus, cui ejusmodi merces deberetur: neque tenetur pro Patre non indigente gratis laborare. Et licet in foro externo censetur gratis laborasse, cum nullam passionem inierit; tamen haec presumptio non habet locum in foro interno, cum ille semper haberit voluntatem contrariam. Ita Bartol. Decius. Navar. Lessius. Cabassut. &c.

Q. 13. An qui rem furtivam emit, tenetur illam restituere Domino?

Resp. I. Qui rem furtivam emit mala fide, sciens, vel dubitans esse furtivam, tenetur eam restituere, si habeat, vel ejus premium in defecum furis si non habeat, nec possit recuperare. *Est communis.* quia injustitiam commisit rem alienam mala fide, sibi accipiendo contra voluntatem Domini: unde tenetur ratione iustæ acceptioonis. Nec potest à Domino exigere premium furi datum, sed jacturam illam malitiæ suæ, ac imprudentiæ imputare debet, *ex Tob. 2.* *Videte, ne forte furtivus sit, reddite eum Dominis suis;* quia non licet nobis, aut edere *ex furto aliquid, aut contingere.*

Resp.